

Бердібек Сокпақбаев-балалар әдебиетінің бәйтерегі сабағы туралы мәліметі

20 қазан күні мектеп кітапханасында балалар әдебиетінің классигі, көрнекті жазушы Бердібек Сокпақбаевтың өмірі мен шығармашылығына арнап «Балалар әдебиетінің бәйтерегі» атты кітапханалық сабақ өтті.

Мектеп кітапханашысы А. Ахметова Сокпақбаевтың шығармашылық жолына тоқталды. «1957 жылы жазылған «Менің атым Қожа» повесі — қазақ балалар әдебиетінің ең озық туындысы. Повесть Франция, Польша, Чехословакия, Болгария және басқа елдерде басылып, орыс, украин, француз, литва, латыш, өзбек тілдеріне аударылды. Сонымен қатар, 1967 жылы осы шығарма бойынша түсірілген фильм Кани қаласында өткен Халықаралық фестивальде арнаулы жүлдеге ие болды. Оның қаламынан шыққан «Балалық шаққа саяхат», «Менің атым Қожа», «Алыстағы ауылда» атты шығармаларын қайта-қайта оқимын», — деді ол.

«Шынайы да шыншыл суреткер көркемдік әлемінің азаптарын бастан кешкен кезде ғана, бір белестен екінші белеске сәтті көтеріле біледі. Демек, екінші сөзбен айтқанда, болашақ шығарманың да жұлдызы жарық болады. Бердібектің «Балалық шаққа саяхат», «Менің атым Қожа», «Қайдасың, Гаухар!» повестері мен «Өлгендер қайтып келмейді» романы осындай биік талғамның, көркемдік әлемінің сәтті туындысы болды. Бұл шығармаларда тек жазушы Бердібекке ғана тән тапқырлық пен тиянақтылық, суреттеу құралдарының дәлдігі, кейіпкер әрекетінің табиғилығы, сезім арпалысының сенімді суреттері «мен мұңдалап» тұр», — деп Тахауи Ахтанов айтқандай, Бердібек Сокпақбаевтың шығармалары әдебиетіміздің мәңгілік мақтанышы боп жасай береді

